

湘綺樓日記

湘綺樓日記

光緒三十二年丙午

丙午正月己巳朔晴功兒昨睡晚不能早起朱生來拜年尙無接待自出見之程生來黃舛縣丞過班來皆與接談李生來則未能出胡壻子女均來夜擲投奪狀元半夜雨

二日陰有雨命功兒出應酬轎錢須千數百用傭工自舁席沅生來笠雲接出行請合家三代三子皆不往命純宜侍行覓轎夫不得乃步往泥行頗竭蹶將至而雨倭僧先在明果道香宗鏡青蓮及兩孫同喫年餅便入坐言碧湖起亭梅曉願包工以五百金與之聽其所爲梅曉復欲於旁造寺亦假予名佛本外夷無中外殊也借轎往趙坪王家益吾請陪爵帥客皆未到看仁壽班頃之報子沅生諸幙可升程生皆至夜演鐙戲久無此升平風景人以爲侈吾喜其存古也二更後散程生送譚

道臺關書來

三日陰爲譚會元寫字題李西涯像廖蓀咳遣人來迎約俟見日湘孫還
李生顏孫來程生送銀半千卽令純孫送開福金嫗來

四日晴黃花農小兒蘭蕨來見以道員分湖南但旭旦流輩也初與其家
相通隨往答拜並及亦峰長子亦初相聞王芍堂約看戲城中土老多
在諸幙亦與二更還

五日晴路澁可行出城展墓由老龍潭至西湖橋銅元局訪裕蓉屏便
留喫餽餽哺還曹壻陳兒自湘來李生來報程生被代代者匏孫諸人
又皇皇於乾館矣夜擲投摸牌

六日陰閉門謝客陳顧工徐元興同來未見見譚會元談收心法以寫字
爲日課六耶來送年禮又當辦公殊無了日夜煊

人日晴小疾畏寒少食多臥作春餽應節景得戎京書看晉石刻鈔本夜

風正困臥聞健孫晉語起問乃與外孫鬪氣喚黃孫問之殊不愧忤孫輩膽大心拙殊爲可哀兒女亦俱不樂得蓀咳書約至其家天氣未爲佳旣約不便辭改且扶病去夜檢衣被便還山也

八日陰頗寒幸無雨待廖迎力未至以爲改期晏起聞夫力已來便舁至永興街又換一力出城渡水麓洲二渡已將午矣小憫龍王市從柏葉鋪過楊厚菴墓前宿黃泥鋪徑路幽靜亦時有舁擔但無年景店亦可住

九日朝晴見日風起俄陰出善化境五里油草鋪入寧鄉欲尋智亭逗留之地無可問矣卅里至龍鳳山周尙書祠在山北童家屋稍在其南山更在山非高山蓋葬家名之耳又五里廖遣人來迎舁至南田亭又遣鐙迎時尙未昏行十里至橫田廖家蓀咳迎於門又見一客云王章永字杖雲王學士之族曾孫新化教諭廖

饌具絜清舊家風也然有更夫則又官派

十日陰晨起蓀咳已興議游瀉山杖雲告歸早飯後去游廖園樓旁一室甚佳樓不可住房室在古今之間小坐仍還廖書房圍鑪雜談書門櫺

一額五郎請書聯一幅設正酒客去無陪賓蓀外孫梅童子

十歲云知西歷史

及二

五

六郎同坐良農不出似熊師家蓋不接俗客耳

十一日晴本約晨發朝食後已巳初矣蓀咳爲我顧昇夫挑子共四名自用八名並隨丁二人計十六人上道從田隴出停鐘橋云斷丰隴舊有寺寺僧膠老翁云明日上請無鳴鐘鼓相驚次日大雨雷電白氣瀾空僧訝其異鳴鐘鼓助之倏大震龍墮水涌沒寺僧亦漂死今有和尚橋及沈鼓潭皆其故迹未記其時蓀咳云采鐵地陷所裂今湘潭下彎常寧水口皆有其比小榻佃戶家喫茶五十里渡瀉水飯於雙鳧鋪通安化鋪路湘鄂軍援邵自此進廿里宿橫鋪市劉克菴次子有錢店在

焉近因捕盜防讎欲建堡城去市二里許有雲山書院今改學堂

十二日庚辰立春朝霜大晴至午陰雲廿里飯黃柴云黃木江瀉山志云

唐勅建密印寺材木自此入山故名大中年賜額也初曰應禪後建同

慶今日大瀉山皆循瀉左行平沙坦途林壑幽勝余評之曰蕭寒蓀咳

云清深十里至鄢彎李湘洲稱其杉竹十里渡瀉西大約往來頻渡東

西其大略耳至同慶寺過門未入急欲見瀉山過二阜皆不峻絕然頗

盤亘初入山五色飛嵐甚似廬山五老峯第二重少遜亦自幽靜到瀉

山寺門乃不知何者爲瀉山村人送龍鑕不入寺門余亦未便昇入與

蓀咳步入知客寮二僧知客

湘湘鄉忍吾
湘陰佛巖

留宿設食蓀咳云齋僧一堂不

取飯錢未入方丈宿僧值寮昨日偶成一律補書於此

華嶽歸來又看
山喜逢良友共

追攀春風隔日先舒柳晴岫開煙乍整疊地有林泉雙映又望瀉西行

近靈山路轉迷疊翠重飛黛色盤蛇一道引丹梯飛橋仿佛
過靈隱結社相將到虎溪更向南崖尋瀑布淨瓶公案與新提

十三日住持僧寄雲來接客同飯客寮同游滄源觀瀑流傳云石泉入石池散爲蓮花其說甚誕有三流皆不成瀑無因激散也在寺南可六里亦非滄源陶記似在一山尤誕矣滄出益陽今屬安化此泉入滄以寺名盛因移山水耳還寺午齋遂行放參一堂用錢三千過同慶寺看唐碑已折商於蓀咳立之僧訴江姓占僧塔欲謀挂掃皆癡也循來路至皇木江蓀咳急欲歸促行夜進至橫鋪宿夜雨

十四日晨發欲一日還家路滑不得駛至東鷺山蓀咳已偕黃少春武廟宿客強余夜談且息夫力遂止不前飯後看灰湯不成池甚垢穢也至柴龍寺買鴨云此處鴨骨獨有髓余因悟東鷺冬鷺也野鳬家鷺亦或通名此有湯泉鳬多宿止或有異種流傳爲灰湯鴨蓀咳贈余二雙聊

賦一律爲滄鴨故實

東鷺山前冬鷺肥湯泉溫煖養毛衣久聞下箸勝鵝炙莫惜隨籠別鷺磯舊例羞珍煩耶致新河餘

栗損戎機老來補首須又至蔣安陽祠並祀劉將軍蓀云是劉敏夜宿

真陸猶恐摩尼見火飛

關祠

十五日元夕佳節早與蓀咳分袂各歸蓀五十里余百里自以爲不至天氣晴煊節景甚鬧時時逢鄉儺魚龍漫延行五里冷水井過坳稍高四十里飯郭家亭前下四鋪偶見告示詢知卽湘潭七都地喜知地近遂從銀田寺馳還到寺已暮急行十里至靈官廟見月月中行廿里到家備矣野月不及家月明山家又不及城中明此理無人說過鄉人聞余歸歡喜送鐙月西乃至自出接之龍去乃睡睡醒猶未曙也與書謝蓀咳

十六日晨晴大風已正微雨以五俎饗廖傭謝遣令還各酬四百錢男婦來者絡繹移硯外齋對之夜早眠大風雨將軍來午飯去作鴨詩

十七日雨寒欲雪竟日在內室間看雜書盛庚團來檢縣圖尋昨路微有方向但失載郭亭

十八日晨起開門茅屋雪積寸餘坐內室不出田園來頃之又來二村人
聞名求申冤者曾老太耶亦非得已余直告以要錢乃斷葛藤作小詞
二闋元夕詞尙入格夜早眠不寐頗寒

十九日細雨淒淒寂靜可喜晏起遣人買煤并遣方誠去張德輝來得意
洋洋訟棍情狀畢露磨之使去大概居鄉唯有訟事無他正業也奈何
奈何

廿日陰晴包塘族長來言屠帖竟每日有常課看四此堂文集幙友而僭
稱堂殊不知不自量然可見范承謨是好官不得好死實無天道喚工補瓦
換銀起煤聞報船來以爲煤炭船到俄見黃孫云傭婦皆還兩女在縣
阻雨自出迎候久之乃至發行李直到晚吉娘傾去頭油大鬧半日有
族曾孫不先不後被罵而去亦一奇也事皆前定理不誣矣夜聞方僮
撞騙屠行彼以攆去亦不復問仍早寢人來自煖亦若有使之然凡氣

機相感有不可理測者若無意若有意至瑣至細豈不神哉

廿一日昨夜雨晨雷似擂鼓前罕聞此聲雷殊不同何以云雷同若云同聽又何以處聾者看曙色到枕後又再睡兩覺房嫗溫書黃孫設坐掃除庭軒遣迎兩女文柄自來蕭團來言成贊君改論語訓以不愠人爲不愠君子貴貴之義伺候阿哥不可愠也此與西法教習有合程生送油鹽筍脯云衡道自往省邀聘矣義不再辱然不能不一往

廿二日陰雨甚寒團甲人來族孫族子麋至將暮二女乃還蓮耶亦來少頃已夜摸牌無人取諸私臣四圈後寢猶不得曙玉蓮來上工

廿三日陰往視牡丹泥不可步登樓小坐外齋看樊山豔詩大要爲小旦作故無情致衰思亦有品限夜有舁來投宿未見云是錢店兒也

廿四日陰雨戴表姪率其段表弟來學訟告以理路彼不領解大約欲得我油禍而已遣送去偶考勾踐百里地當今四百里則山陰嘉興皆非

故地又朱室炭瀆相去又太近蓋封以長狹合成百里

廿五日陰雨作游記隨筆寫去謂之游帳則可看諸道人作石門記不覺
自失

廿六日甲午雨水雨摸牌竟日聊補消寒玉岑女壻來學訟謝未能見居
鄉居官司外無他相關無地避事矣喬子來求部置切責飭之

廿七日雨鎮湘來留住一日鈔游記畢不葷不飄不成文也然愈於陶密
菴

廿八日雨王鳳喈遣兒來問訊鎮湘去將軍帥夏估來言王理安妻欲來
見蓋將訴其兄公亦官司也因感風乃復摸龍鳳兩圈夜雷大雨俄止
廿九日雨蓮耶去看玉溪詩手寒向火登樓避許女然不能避嫁狗隨狗
無可柰何也有大力自能振之唯可自慚玉蓮又去

二月戊戌朔陰後山始可步看新種樹秧北枝梅花雨意殊濃無可興作

摸牌二圈出登樓
縹雨飄瓦地已全溼
盛丁來言洋事云程生虧五萬
金周福嚴追尙不及夏生善作弊亦可怪也夜大風

二日苦雨淒風饒有春意宜飲酒作伎不宜他事鄉中岑寂以閒寫代冶

游耳且作一詞

曉凄凄半月雨
做盡春愁無處訴
簾外潑寒處處只柳眼

邊詩裏別有詠花句
芳樹豔陽潛度早
引起玉鉤金縷花朝剛是

鴨好在
柳峰護夜雪周裕荅來送菜

三日起看雪但冰耳竹樹皆凍垂地所謂樹介達官怕六朝讀嫁以叶怕
吳音也今蘇語猶然今無達官五大臣亦足當之否有天地然後有萬
物此卽混沌時也爲一憮然且凍豆花以佐湯點夜食餅看復作寄姊
書

四日冰凍看周官箋手冷方向火紫谷道士來殊不欲見久之乃出詢係
來作經紀者云蕭子求文字非爲學堂也

五日晴史傭送祭用往省王傭將往運煤來請製篙帆道士先去煤船並

送觀察木器去將寫壽對憶張蒼侯封不得篋中乃無史記可檢甚可

笑也搜得三兒三史且移入備查並書蕭子三聯字不能佳張翁百歲

號雲臺就名號頌之

系出文侯鹿賜彌永號同阮傳樂壽逾高

蕭子閒官又不讀書因題二

句云

琴書陶令銷憂物詩酒揚州寫意官

此亦充日課閒懶極矣

六日陰雲卿第四兒來字慶生名名壽在醴陵學賈稍勝其兄能具衣裝

留宿外齋與之一飯夜雨

七日晨雨朝食後陰雪師兩孫來長舜臣云頗通文理其小弟亦乾淨似

官家兒頃之小數又攜女來俱不飯去夜有月

八日晴猶寒岫孫來與張稽察談官事張被押得釋興高聲壯余避入內

鄭福隆率其孤孫來見不肖子死舐犢愛存亦可悲也十二耶兒來即

去

九日晴岫孫去周生世麟來值沈山人許甥孫與將軍同談喚門乃入留
沈飯久不具田雷孫及王姓來同喫麪沈飯噎竟不能飽恩恩去已夕
矣周亦辭去

十日晴周生居客店未知何意開門待之久不至乃閉門入聞搗呼聲云
王心培來出接之崔甥孫與庸松來劉蘭生亦來皆意在歐陽述談喧
竟日喫杏酪崔庸去王待飯去劉宿外齋遣人運租夕得廿車

十一日晴風陳秋生來周生亦來談不飯余與兩女看運租入倉因思往
年南竹作銀桶時未料無尺土及六百錢賣大櫃時又未料今日有租
收未知更六十年復作何狀大概化水無形以語兩女使知倚伏之理
劉丁來言銅元局將改槍礮廠得郭八完夫書

十二日己酉啓蟄黃孫不能讀自願入官學因遣入城盛丁已將入武備
堂又自願歸農亦暫往辭退遣船送去劉蘭生王僕均去廖生不帶紙

而送書價銀并令功兒買紙長婦歸昨二俎賜以蓮餅滋檢得殘本廣
記未加點者補點四卷春晴五日猶有寒氣夜月朧朧桃李未繁

十三日晴屠儉因族長來求關說甲總因馮甲來訴賣穀黃團總來乞糶
均侵早來候見玉蓮報祠漏當修遣滋往估工晨去來請訓適余睡未
醒比起已去矣見三訴者各諭令去看廣記半本胡蔭南兒炳生來亦
爲歐陽述小坐便去滋未夕還云未須大修苦補可矣擇於十八日遣
匠興工

十四日晴陰出看桃李遇余家傭云余子來從船至出見與談生事至夕
又報程觀察遣人來以爲送潤筆令問已飯否答云未飯適夕食輟盤
飧食之出見云常寧詹炳光字華樓久仰老師欲往陝西求信與樊藩
臺告以一函百金之例皇遽欲去會暮微雨自請一宿許之未幾又一
人來云從船至此亦無所止則蔣生也此生相求四年無厭已甚旣爲

李生金幾所關切強又出見兩人共被夜雨瀟瀟余高臥不出矣

十五日雨竟日詹生晨出王傭還云煤不可運蓋實憚往令尋船送蔣生看廣記尋輿亂書見梁啓超論說且讀一過

十六日晴蔣周俱去張僮來

忌日齋居召匠問修祠屋事遣文柄往寫字數紙

十七日晴德成來言修祠意欲包工以匠估廿元此又減價卽令包修以十元付之滋出游南塘劉詩人來不飯去云張冶秋已降官江西教民殺南昌令至夜朽人來云水泄不通矣亟欲問消息無從問也廣記點畢

十八日晴寫字數紙無佳作盛一送銀來得湘孫書云洋人尙無著落鬼蔥亦入學堂矣未死已見披昌所謂永絕書香者耶抑船山王啟之類耶芝蘭生於階庭荆棘叢於臥榻有何欣戚不獨韓湘子看破紅塵韓

文公亦了悟矣詹生又來限一月取信遣尋將軍刷書夜雨

十九日雨陰出門看李花野棠已盛開見一人彳亍來則周生從縣還云誠勳改將軍恩銘代之繼代恩莊心安代繼矣莊重入省城甚爲可喜方與兩女看花見一轎來云左幹青思賢弟子挾笠僧書笠亦疲於津梁左乃欲往陝西以六破果合求籌車之穫告以世事廢然自失

廿日晴左副榜去留條子欲得分銷與張冶姪同有大志約將軍來議刷書至夜乃至狗吠人譁一時誼鬧挂墳三力來無宿處先去

廿一日陰晴似欲雨櫻桃半開梅花未落猶可重裘行人早脫衣衫矣將軍嫌牀板硬一夜未睡見其欠申神色不足問乃知之非將軍實巾幗流也將夕仍去以十元請買紙

廿二日雨煊遣船下縣尋廣記得五代時八仙以證西安八仙非湘子等輩也蓋宋初改興慶池爲之李八百忘其時代長壽葛永瓚并未知其